

vil wol sie des gedachten. daz sie vil myde was. schone blumen vñ
 gras. leiten sie d^c vrowen vnder. ich mach .v. sagen wunder. vnde
 ouch von herzeleide. bonifait folde al eine. des selben nachtes wachen.
 ein vur begonde her machen. die ros hatte her gebunden. do
 5 quamen in den stunden. zvelf schechere gerant. die wolden daz
 güt mit gewalt. nemen werliche. sie wanden wesen riche.
 (B)onifait daz grime werte. vunfe her so virferete. zv tode
 mit d^c ecken. dannoch newolde her nicht wecken. den edelen
 greuen finen neuen. die siebene namen ime daz leben. iedoch
 10 werte her sich gnvh. daz svert her also vaste slüch. daz iz
 von deme flage ir clanc. d^c greue des inme flafe vñ spranc.
 bonifait lach dar nidere. d^c stolze greue biderue. vant finen
 neuen tot. do alreist gienc iz an die not. vnder sie lief her alsein
 degen. alda wolder finen neuen. harte gerne han virlorn. grī-
 15 meclich groz was sin zorn. daz tet her harte wole schin. her
 gienc houwende vndir in. alsein wütender man. do slüch her
 fvaz her ane quam. vonme libe her sie alle brachte. vil leide her
 ime gedachte. vmbe bonifaites lip. daz ich ie in dieser bosen zit.
 ouwe leider wart geborn. herre daz ich dinen zorn. alfsus vnge
 20 nedicliche han. wie fal ich nv ane van. mine dinc in dirre
 heide. do was ime harte leide. (O)ber bonifaiten her do gienc
 vil mīnecliche her in vmbe vienc. sin houbet nā her ī sinē schoz
 sin clage die was harte groz. fere weinende her do sprach. herre
 min groz vngemach. daz ich vil dicke irliden han. daz wandich
 25 daz iz nv were ir gan. der greue begonde weinen. alda myste
 her bescheinen. die herzeliche leide vmbe sinē neuen. her sprach
 liebe trut mystestu nv ge leben. so hette ich virwunden al mine
 not. owe bitterliche tot. daz dv an mich nicht ne queme. do dv
 bonifaiten neme. den tuweren vñ den gutē. den senften gemvtē.